



## Cov Lus Nug Uas Nquag Nug Txog Ntawm Cov Lus Qhia Txog Kev Rov Qhib Dua

Kev Sib Sau Tuaj Ua Ke, Kev Sib Sau Nyob Sab Hauv Tsev

(Raug kho tshiab 8-20-2020)

Hauv qab yog cov lus teb rau cov lus nug uas nquag nug (frequently asked questions, FAQs) hais txog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) [Cov Lus Qhia Txog Cov Kev Sib Sau Nyob Ua Ke Thooob Plaws Lub Xeev, Kev Sib Sau Nyob Ua Ke Rau Fab Sim Neej Rau Sab Hauv Tsev](#). Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab cov lus nug uas nquag nug (frequently asked questions, FAQs) no txhawm rau pab ua kom zej tsoom nkag siab txog zaj lus qhia, teb lus nug ntawm tus neeg muaj feem xyuam, thiab plov meej txog kev yuav siv cov lus qhia li cas nyob rau cov tsham ua ntu zus xab phaib. Tej zaum cov lus nug uas nquag nug (frequently asked questions, FAQ) no kuj yuav raug kho dua tshiab yam sib quas ua ntu zus. Cov lus nug uas nquag nug (frequently asked questions, FAQs) no tsis yog yuav siv los mus hloov chaw rau cov lus qhia, tab sis mas yog siv los mus tshab txhais, muab kev pab ntiv, thiab pab qhia ntiv kom nkag siab txog cov ntsiab lus meej tseeb ntawm cov lus qhia no.

**Q1: Koj puas tuaj yeem muab ib qhov kev tshab txhais los sis cov lus qhia txog 'zej tsoom sib sau tuaj ua ke' yog dab tsi?**

**A1:** Ib zej tsoom sib sau tuaj ua ke yog ib pab neeg tuaj nyob ua ke kom hais txog ib qho teeb meem ntsig txog pej xeem huab hwm, xws li cov feem thawj coj hauv tsev kawm ntawv los sis rooj sab laj hauv lub nroog.

**Q2: Yog tias ib qho chaw muaj chaw hauv tsev thiab sab nraum zoov tib si, puas tuaj yeem muaj kev sib sau tau rau ob qhov chaw ntawd nrog rau neeg coob tshaj plaws yog pes tsawg leej?**

**A2:** Kev txwv cov neeg coob tshaj plaws nkag tuaj ua ke tau yuav siv rau txhua qhov chaw sib txawv yog tias:

- cov neeg tuaj koom nyias nyob nyias qhov chaw sib txawv tsis tau sib tham/sib txuas lus xws li tsis tau siv chav dej ua ke; *thiab*
- qhov rooj nkag thiab tawm nyias muaj nyias rau ntawm nyias pawg neeg uas tuaj sib sau ua ke.

**Q3: Cov lus qhia rau tej kev tawm tsam yog dab tsi?**

A3: Cov neeg tuaj nyob ua pawg yog zej tsoom tuaj sib sau thiab yuav tsum ua raws li qhov uas tuaj yeem txais tau coob kawg tsis pub tshaj raws li hais txog kev sib sau ua ke rau hauv Zeeg Sij Hawm uas lub zos nyob.

**Q4: Cov lus qhia rau lub chaw haus cawv vais nyob sab nraum tshav puam uas muaj ib pab neeg taug kev mus ua hauj lwm sib txawv yog dab tsi?**

A4: Thaum uas nyob rau txoj kev taug, cov neeg koom nrog yuav tsum tau ua raws li [Cov Lus Qhia Txog Cov Kev Sib Sau Nyob Ua Ke Thoob Plaws Lub Xeev, Kev Sib Sau Nyob Ua Ke Rau Fab Sim Neej Rau Sab Hauv Tsev](#). Yog cov neeg tuaj taug kev nkag mus rau cov chaw ua hauj lwm uas muaj Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia (piv txwv li tias, tsev ua zaub mov noj los sis chaw muag khoom), lawv yuav tsum ua raws cov lus qhia uas siv rau qhov lag luam ntawd.

**Q5: Qhov uas txwv tsis pub sib sau dhau 50 leej nyob sab hauv tsev thiab 50 leej nyob sab nrauv puas yog txhais tias tag nrho yog 50 leej?**

A5: Yog hais tias muaj ob pab neeg sib sau nyob rau ib lub sij hawm, ib pab nyob hauv tsev thiab ib pab nyob nraum tshav puam, ib pab neeg ntawd tsuas pub kom muaj txog 50 leej xwb. Cov neeg tuaj koom nyob rau cov pab pawg sib sau tuaj ua ke uas nyias muaj nyias yuav tsum tsis txhob sib ntsib/sib txuas lus, xws li tsis siv chav dej ua ke thiab yuav tsum siv qhov rooj nkag thiab tawm sib txawv.

Yog hais tias muaj ib qho xwm txheej uas muaj nyob sab hauv tsev thiab sab nraum tshav puam tib si, tsis pub dhau 50 caug leej nyob rau ob qho chaw raws li lub sij hawm uas tau muab rau siv.

**Q6: Kev sib sau ua ntees ploj ntees tuag ne ho txwv txij li cas?**

A6: Nyob rau Ntu ib, qhov uas pub sib sau coob kawg nkaus nyob sab hauv tsev yog 50 leej, thiab 50 leej nyob sab nrauv. Nyob rau Ntu Ob, qhov uas pub sib sau coob kawg nkaus nyob sab hauv tsev yog 50 leej, 100 leej yog sab nrauv. Nyob rau Ntu ob, yog hais tias ib lub ntees tuag ua rau thaj chaw los sis qhov chaw (thiab muaj zaub mov noj, sib koom khoom siv, thiab lwm yam.), yuav siv Zaj lus qhia hais txog Thaj Chaw los sis Qhov Chaw Ntu ob (thiab pub txij li 100 leej yog nyob hauv tsev thiab 250 leej yog nyob sab nraum tshav puam tab sis tag nrho sis pub dhau 250 leej).

**Q7: Thaj chaw nyob rau Ntu ob pub 100 leej nyob sab hauv los sis 250 leej nyob sab nrauv, tab sis kuj yuav tau ua raws khawv lus hais txog Kev Sib Sau, uas yog 50 leej nyob sab hauv los sis 100 leej nyob saib nrauv. Koj puas tuaj yeem plov kom meej?**

A7: Kev txwv qhov coob tshaj plaws piav nyob rau hauv [Cov Lus Qhia Txog Cov Kev Sib Sau Nyob Ua Ke Thoob Plaws Lub Xeev, Kev Sib Sau Nyob Ua Ke Rau Fab Sim Neej Rau Sab Hauv Tsev](#) tsis siv rau kev sib sau los sis kev sib sau hauv nyob hauv tsev uas ua nyob rau ib thaj chaw uas hais muaj nyob rau lwm feem

[tshwj xeeb ntawm xeev Oregon Health Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia](#), vim cov chaw ntawd lawv muaj lawv kev txwv qhov coob tshaj plaws thiab lwm yam kev txwv. Cov lus qhia tshwj xeeb rau Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) uas raug siv muaj xws li tej chaw, khw ua zaub mov noj thiab tsev haus dej haus cawv, tsev muag khoom, chaw ua kev lom zem hauv tsev thiab sab nraum tshav puam, chaw mus tawm dag zog, tsev kawm ntawv qib siab, tsev kawm ntawv, thiab tej chaw zov me nyuam yaus.

**Q8: Kev ua tshoob puas suav tias yog kev sib sau nyob sab hauv tsev los sis kev sib sau tuaj ua ke?**

A8: Kev ua tshoob yog kev sib sau thiab yuav tsum ua raws qhov txwv coob kawg tsis pub dhau siv rau Zeeg Sij Hawm uas lub zos raug tso cai. Yog hais tias rooj tshoob ua nyob rau thaj chaw thaum Zeeg Sij Hawm Ob, ces rooj tshoob yuav tsum tau ua raws [Cov Lus Qhia Siv Rau Ntawm Thaj Chaw thiab Kev Ua Koom Txoos](#). Nyob Rau Zeeg Sij Hawm Ib, rooj tshoob yuav tsum ua raws Cov Lus Qhia Kev Sib Sau Nyob Sab Hauv Tsev.

**Q9: Tsev kawm ntawv puas yuav tau ua raws Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia txog kev sib sau tuaj ua ke?**

A9: Tsis tau. Tsev kawm ntawv yuav tsum ua raws Tuam Tsev Hauj Lwm Saib Xyuas Kev Kawm Hauv Oregon [Cov Tsev Kawm Ntawv Npaj Tiav](#), [Cov Lus Qhia Nyab Xeeb rau Cov Tub Ntxhais Kawm Hauv Xyoo Kawm 2020-21](#).

**Q10: Cov tsev tshawj puas tau ua raws cov lus qhia hais txog kev sib sau tuaj ua ke rau thaum ua kev pab cuam uas ua ib txwm ua, los yog lawv puas ua raws cov lus hais rau ntawm thaj chaw thiab tej koom txoos ntawd?**

A10: Cov tsev tshawj uas nyob rau cov zos hauv Zeeg Sij Hawm Ib yuav tsum ua raws [Cov Lus Qhia Siv Thooob Plaws Lub Xeev Kev Sib Sau Tuaj Ua Ke, Kev Sib Sau Nyob Hauv Tsev](#) rau kev pab cuam ua ib txwm ua. Cov tsev tshawj uas nyob rau cov zos hauv Zeeg Sij Hawm Ob yuav tau ua raws [Cov Lus Qhia Siv Rau Ntawm Thaj Chaw thiab Lub Koom Txoos Hauv Zeeg Sij Hawm Ob](#) rau kev pab cuam ua ib txwm ua.

**Q11: Cov lus qhia siv rau ntawm cov rooj sib tham txog kev pab txhawb kom rov qab zoo los (xws li Cov Neeg Quav Cawv Uas Tsis Pub Qhia Npe Tshwm) yuav tsum ua raws li cov lus qhia hauv Zeeg Sij Hawm Ib thiab Zeeg Sij Hawm Ob yog dab tsi?**

A11: Rooj sab laj txog kev pab txhawb kom rov qab zoo los yuav tau ua raws ob feem ntawm cov lus qhia:

1. Cov lus qhia ntawm Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA), yog hais tias ua tau, ces saib

raws li thaj chaw uas ua lub rooj sib tham. Piv txwv li, cov rooj sib tham uas npaj nyob hauv ib tug twg lub tsev yuav tsum ua raws li cov lus qhia hais txog kev sib sau nyob hauv tsev. Cov rooj sib tham uas tau npaj rau ntawm ib lub tsev tshawj yuav tsum ua raws cov lus qhia nyob rau hauv Zeeg Sij Hawm Ib thiab thaj chaw thiab lub koom txoos hauv Zeeg Sij Hawm Ob. Koj tuaj yeem nrhiav daim ntawv npe ntawm cov chaw sib txawv uas muaj nyob ntawm [no](#).

2. Cov [Lus Qhia Siv Thoob Plaws Hauv Lub Xeev rau Kev Tuaj Sib Sau Ua Ke, Kev Tuaj Sib Ntsib Sib Tham Rau Sab Hauv Tsev](#).

**Q12: Cov tsev tua game, xws li ua phaib poker, bunco thiab bingo, puas yuav tau ua raws cov lus qhia los sis tej kev sib sau rau sab hauv tsev?**

A12: Yog cov tsev uas tua game tab tom ua phaib poker, bunco los sis bingo games, ntawd yuav tsis raug suav tias yog kev sib sau hauv rau sab hauv tsev. Yog li ntawd, [Cov Lus Qhia Siv Thoob Plaws Lub Xeev Kev Sib Sau Tuaj Ua Ke, Kev Sib Sau Rau Sab Hauv Tsev](#) yuav muab los siv. Yuav siv cov lus qhia rau cov tsev tsis ua phaib nyob hauv Zeeg Sij Hawm Ob piv txwv li tias nyob rau hauv khw ua zaub mov noj, tsev hauv dej haus cawv.

**Q13: Cov tsev pom tuag yuav siv cov lus qhia twg rau kev txwv txog kev sib sau tuaj ua ke? Ib lub rooj sib tham rau ntawm Elks Lodge puas yuav muab raug xam tias yog kev sib sau hauv rau sab hauv tsev?**

A13: Ib lub rooj sib tham nyob rau ntawm Elks Lodge tsis yog ib qhov kev sib sau rau sab hauv tsev thiab yuav tsum ua raws qhov kev txwv tsis pub neeg coob raws li hais rau hauv [Cov Lus Qhia Siv Thoob Plawv Hauv Lub Xeev Txog Kev Sib Sau Tuaj Ua Ke, Kev Sib Sau Rau Sab Hauv Tsev](#) rau lub zos uas lub chaw Lodge ntawd nyob.

Yog hais tiaslub tsev pam tuag npaj zaub mov noj thiab dej cawv los siv, yuav tsum tau ua raws [cov lus qhia siv rau Khw Noj Mov thiab Tsev Haus Dej Haus Cawv nyob rau Zeeg Sij Hawm Ib](#) los sis [Zeeg Sij Hawm Ob](#) rau ntawm lub zos uas lub tsev pam tuag ntawd nyob.

**Q14: Muaj cov npe ua raug txwv hais txog kev sib sau rau sab hauv tsev. Puas muaj kev txwv hais txog kev sib sau rau sab nraum zoov?**

A14: Ib pab neeg nyob nraum tshav puam, rau ib lub hom phiaj twg, ces yog kev sib sau tuaj ua ke thiab yuav tsum tau ua raws qhov kev txwv uas sau cia nyob rau hauv [Cov Lus Qhia Siv Thoob Plawv Hauv Lub Xeev Txog Kev Sib Sau Tuaj Ua Ke, Kev Sib Sau Hauv Rau Sab Hauv Tsev](#)

**Kev muaj peev xwm nkag cuag tau rau daim ntaub ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Hu rau Mavel Morales ntawm tus xov tooj 1-844-882-7889, 711 TTY los sis [OHA.ADAModifications@dhsoha.state.or.us](mailto:OHA.ADAModifications@dhsoha.state.or.us).